

حقوقي بيلکيلر مجموعه سي

هر آي صوکنده نشر اولنور

غایت محدود و رده‌فهرده صورتیله قرار و یرن بر محکمه رئیسک حائز اولدینی تمامی صلاحیت ایلله بوجهله قابل قیاس دکلدر.

بوندن صرف نظر هیئت عمومیه سیله اداری طرز محاکمه‌نک عدلی طرز محاکمه‌یه نظراً اشکال سریعه‌سی ودها آز مصرفلی اولمق اعتباریله فائق اولدینی قبول ایتسه‌ک دخی بحال، محاکم عدلیه‌نک اداری اختلافات حقنده قرار اتخاذ ایتمکدن منع ایدملری ایچون برسبب تشکیل ایده‌مز. محاکم تجاریه، دعاوی تجاریه‌یی رؤیت ایتدیکی زمان اصول محاکمه تجارت اشکالی دائره‌سنده محاکمه ایدرلر. بونک کبی دعاوی اداریه‌یی رؤیته صلاحیتدار اولسه‌لر، اداری طرز و اصول محاکمه‌نک محاکم عدلیه طرفدن تطبیق ایدلمسسه نه مانع تصور اولنه‌بیلیر؟

پارس حقوق فاکولته‌سی حقوق اداره مدرسی

ردۀ زاکلده

فانونه مدنی

یکی قانونلرمزه کوره وکالت دوریه وارمیدر

معاملات ناسده الک چوق تصادف ایدیلان حادثه‌لرک نه درجه‌یه قدر موضوعات حاضره‌مزه موافق بولندیغنی تدقیق و لدی الحاحه ارباب حقوق مواجهه‌سنده مناقشه ایلک؛ بیوک بر انقلاب عدلی کچیرمکده اولدیغمز شو ضررده منتسبین حقوق ایچون بر وظیفه معنویه در ظن ایدرم. بو سایه‌ده اوروپاده کوریلان ترقیات حقوقیه پی‌درپی و احتیاج محیطمزه کوره بزده‌ده حاصل اولمش اولور.

بو مقصدله شو مقاله‌مده بزده پک چوق تصادف ایدیلان وکالت دوریه‌دن بحث ایتک ایسترم. شمده‌یه قدر مطرد بر صورتده اعتیاد ایدلدیکی وجهله وفاء فراغ ایدیلان اموال غیر منقوله مقابلنده استقراض ایدنلر داینلری و یاخود انتخاب ایده‌جکلی ذاتی ختام وعده‌ده تسویه دین ایدلمه‌دیکی صورتده مفروغ‌یه‌یی فروخته وکیل دوری تعیین ایدرلردی. چونکه داینلر وکیل دوری عزل ایدلمه‌مز ذه‌بند بولونورلردی.

«وکالت دوریه» ایسه بر شخصک دیکریخی هر نه زمان عزل ایدرسهم وکیل‌سک

شکلنده بر عقد وکالتدن عبارتدر . وکالت دوریه دن صورت مطلقه عزل - احکام فقهیه جه - - جائز دکل ایدی . آنجق «وکالت دوریه دن رجوع ایله وکیلیم عزل ایلدم» شکلنده وکیل عزل ایدیله بیلیردی . ملغا مجله ده وکالت دوریه دن بحث یوق ایسه ده ۱۵۲۱ و ۱۵۲۲ نجی ماده لرنده - حق غیرک تعلق ایلدیکی مسائله ده موکلك وکیل عزله و نه ده وکیلک بالذات استعفايه صلاحیتی اولمادینی محرودر . و فراغ بالوفا معاملاتنده وکیلارک عزله امکان بولنماسی ده وکالتلرینک دوری اولماسندن زیاده حق غیرک تعلق ایتمسینه و بنا برین ۱۵۲۱ نجی ماده سینه مبنی ایدی . حق غیرک تعلق ایلدیکی مسئله ؛ یالکز رهن مسئله سی دکل ، شارح مجله نك بیانیه کوره ده ا بر طاقم مسائلدر .

شو حالده مجله ده موکلك وکیل دائمی عزل ایده بیله جکی اساسنی قبول ایتمکله برابر بو بایده حق غیرک تعلق ایلدیکی خصوصاتی آندن استثنایلشددر . قانون مدنیزه کوره موکلك وکیل ایسته دیکی زمانده عزل ایده بیله جکی کبی وکیلده هر آن استعفا ده سربستدر . یالکز مناسب اولمایان بر زمانده وکالتدن عزل ویا استعفا ایدن کیسه نك دیکرینه ایرات ایلدیکی ضرر و زیانی ضامن اولسی لازم کلیر (بورجلر قانونی ماده ۳۹۶) .

قانون مدنی ؛ موکلك وکیل عزل و استعفا ده سربست براققله برابر «مناسب اولمایان زمانده» عزل و استعفادن متولد ضرر و زیاندن موکلك ویا وکیل مسئول ایتمکده در . حق غیر تعلق ایدن مسائله موکلك وکیل عزل و یا خود وکیلک استعفا ایلمسی قانون مدنیزک «مناسب اولمایان زمانده» تعبیریه ادخال و بالتیجه ضرر و زیانی تولید ایدن بر سبب قانونی عد اوله بیلور . و بو تعبیر مجله نك «حق غیره تعلق ایدن» فقره سینه نظراً ده ا شمولی در . شو ایضاحاته کوره قانون مدنی ؛ مماثل حادثه لرده وکیلک عزل و استعفاسنی منع ایتمه یورسه ده اوکا مانع اوله جق بعضی تدابیر تقیدیه و زجریه وضع ایلشددر .

وکالت دوریه به کلنجه ؛ بونك قانون مدنیزه بریری کورلما یور . و حتی وکالت دوریه ؛ موکلك وکیل اصلاً عزل ایده مامسی مقصدینی استهداف ایلمسینه نظراً بویه بر عقدك قانون مدنیزه کوره بطلانی ایجاب ایتمکده در .

بورجلر قانوننك ۳۴ نجی ماده سنده مثلك ؛ حقوقی بر تصرفدن تولد ایدن تمثیل صلاحیتی هر زمان تحدید ویا رفع ایده بیله جکی تصریح ایدلکدن صرله «تمثیل اولنان یعنی مثلك بو حقندن اولجه فراغت ایلمسی حکم سزدر» دنیلیمکده در .

تمثيل توکيله نظراً دها عمومی بر تعیر وعین زمانده توکيله ده شاملدر . بناء علیه دیگر تمثيللرده اولدینی کبی «عقد وکالتلرده دخی موکل، وکیلنی عزل ویاخود صلاحیتی تحدید ایده میه جکنی حین عقد وکالتده تعهد و بو حقدن اولجه فراغت ایدرسه - قانون مدنی مزجه بو خصوص انتظام عامیه متعلق کورلدیکندن - بو تعهد وفراغتک بر کونا قیمت قانونیه سی یوقدر .

شوندن آکلاشیلورکه ؛ وکالت دوریه قانون مدنی مزه کوره قیمت قانونیه دن عاریدر . چونکه وکالت دوریه ده استهداف ایدیلان غایه ؛ وکیلک عزل ایدیله مامسی و عزلندن ابتداء فراغت ایدلسیدر . بو اعتبار ايله وکالت دوریه نی حالا استعمال دکل، آرتق تاریخ حقوقزده مستعمل تعیرلر میانه قید ایلک لازم کلیر .

ازمیر آوقاتلرندن

قارشو بقه : ۱۸ ل ۱۲۷ نسان

ابراهیم ارهم

مقونی ارباب

سوقراطک محاکمه سی و افلاطونک مدافعه سی

III

مدافعنک ماهیتی

سوقراط حکم محکمه ايله زهر ایچهرک وفات ایتدیکی وقت افلاطون ۲۸ یاشنده ایدی . طقوز سنه دن بری اوارلنده پک صمیمی دوستلق رابطه لری تأسس ایتمش ایدی . پک زنکین برعائله یه منسوب اولان افلاطون ذکا وفضیلتی ارباب علم وعرفانجه ستایش ایدیلن بوعالمک جاذبه سندن قورتوله مامش ایدی ؛ فکری و اخلاقی تجسس اونکله طانیشمغه و کوروشمکه سوق ایتمش ایدی . بوبیلمک مراقی و بوحس تجسس یاواش یاواش پک شفقتی برحس حرمته تبدل ایتشد . افلاطونک بوتون آناری سوقراطک بوذکا اوزرنده اجرا ایتدیکی فوق العاده تاثیرک جانی دلیللریدر . مفکوره سنه مقتون وقعیب ایتدیکی طرز تدقیق وتبعه مجلوب اولدی . آنک کبی برتکیز ایچون بویله براستادک ضیاعی بویوک بر فلاکت تشکیل ایتشدی . بوفاتک افلاطونی فوق الحد متأثر ایدهرک عادتاً بویوک بریاسه سوق